



**Rvperti Ab||batis Monasterii || Tvitiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

De tribus uiris illis, quo[rum] hæc propria no[m]i[n]a fuerunt Noe Daniel /
Iob, qualiter suis quisq[ue] te[m]poribus egressi fuerunt.

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

Et domui Iuda miserebor & saluabo eos in domino deo suo, & nō saluabo eos in arcu, & gladio, & in bello, & in equis, & in equitibus. ¶ Item in Zacharia. Non in exercitu, nec in robore, sed in spiritu meo dicit dominus exercituum, Spiritus tuus a te procedens domine exercituum, & ab illo cenaculo incipiens: ubi expectabatur, cum pauci homines essent congregati in unum, uenit usq; ad illius bestiaē dentes magnos, dentes ferr eos, quā nimirum bestia, scilicet Romanum imperium uere erat Babylonia, & per omnē persecutionis fornacem, semetipsum exhibens p̄is martyribus tanquam uentum rotis flantem, tam diu illos refrigerauit, & tam diu filius dei cum illis ambulauit per medium ignis, & fidem illorum illasam custodiuit: donec illa bestia homo fieret, id est, rationem admitteret, & rationabilem esse christianorum fidem intelligens, uexillum crucis in sua fronte susceperet, ac uoce humana patrem & filiū & spiritū sanctum, unum & uerum esse deum pronuncians, etiam patronū se cultoribus eius exhiberet.

¶ De tribus uiris illis, quoz hec propria nomina fuerunt, Noe, Daniel, & Job qualiter suis quisq; temporibus egressi fuerunt. Cap. XIX.



¶ Exeant igitur de terra illa quicunq; pertinere cupiunt ad tres uiros istos, Noe, Daniel, & Job, & uideant illius terrae quanta desolatio & istius Hierusalem, q̄ fru uolua sit probatio. Nam ecce (inquit) ipsi egredientur ad uos, & uidebitis uiam eorum & adinventiones eorum, & consolabimini super malo quod induxi in Hierusalem, in omnibus quae importauī super eam, & consolabuntur super uos cū uideritis uiam eorū & adinventiones eorū, & cognoscetis q̄ non frustra fecerim omnia, quae feci in ea, ait dominus deus. ¶ Magnum & pene inenarrabile sacramentū. Quomodo de terra illa, quā supra habuimus, Noe, Daniel, & Job, totiens nominati ad nos exierūt quoniam filios & filias saluare non potuerunt. Dicamus in primis de tribus uiris illis quorū haec propria nomina fuerunt, Noe, Daniel, & Job, qualiter suis quisq; temporibus egressi fuerint. Primus egressus est Noe cū tribus filijs, Sem, Cham, & Iaphet. Daniel uero cum tribus pueris, Sidrach, Misac, & Abdenago. Job autē cū tribus amicis suis, Eliphaz Themanites, Baldad Suites, & Sopharnaamathites. ¶ Qualis fuit egressus illorum? Egressus Noe de congerie mortuoz, fuit, ad reparationem generis humani de tribus filijs, sub trina benedictione dei, dicentis, Crescite & multiplicamini. ¶ Egressus Daniels cū suis conuictiuis ad consolationem ipsorū cū tribus pueris, quos de medio Babyloniae fornacis uictores recepit, glorificatus ipse tribus gratiae incrementis, in conspectu trium regū, uidelicet in conspectu Nabuchodonosor, interpretatione somniorū: in conspectu Balthasar, lectione & interpretatione uerborū, quae miro modo in pariete ab inuisibili uisibiliter scripta sunt: & in conspectu Darij uictoria laudabili, quia misit dominus (ait) angelū suū, & conclusit orae leonū, & non me contaminauerunt. ¶ Egressus Job fuit in exemplū patientiae cunctis superuenturis seculis, tribus modis tentatq; probati, scilicet occulta potestate, quā aduersus eū Satan accepit, & aperta lingua coniugis, et nimia trium amicorū sapientia, quae illū ualde afflixit, quos non recta locutos ipse per sacrificiū deo reconciliauit. Itaq; tres uiri isti, Noe cū tribus filijs, Daniel cū tribus socijs, & Job cū tribus amicis, fiunt duodecim & hic numerus eorū est, qui & archam, scilicet ecclesiam in aquis baptismi regendā primi post Christum susceperunt, & in gentibus quasi in Babylonia deum clarificauerunt, & in cunctis tentationibus fortiter perstiterunt. Quod qui rite perpendit, nimirū ipse persentit hoc dictum a domino, & cognoscetis, q̄ non frustra fecerim omnia quae feci.

Osee. 1.
Zacha. 4.
Rom. Imperium erat ut
Babylon.

Ezech. 14.

Mira mysteria trinitatis in his tribus uiris, Noe, Daniel & Job. Gene. 7. Danic. 3. Job. 2.

Gene. 9.

Dani. 2. 5. 14.

Job. 1. 2.

Job. 4.

Ezech. 14.

FINIS LIBRI OCTAUI.